

■ GLOSSA

Ausländer? Volksbefragung!

DA SILVIO CAMENISCH

Quella uscheditga «Ausländer? Volksbefragung!» è tenor massa lecturs da stampads l'idea da l'onn. Extraclassa. Grazia fitg als spierts avantgardists (Vordenker!) da l'ultra extrema. Ils supertscharvès en lur ritschas serradas han tutgà total il gust da lecturas e lecturs cun quella «Ausländer? Volksbefragung!» mintga di en mintga gasetta dapi dis. Tuts products stampads, era La Quotidiana, han integrà l'inserat ester sco in dals noss, malgrà ch'el è «Ausländer!» Tudestg schizunt! Dovri da quai en gasettas rumantschas? Sto esser bain.

Il quadrat cotschen «Ausländer?» è piazzà sisum sanester, fertant ch'il quadrat cotschen «Volksbefragung!» ami intim è piazzà giudim dretg. Cun quell'axa fitg fitg speziala èsi gia visualmain (layout-mässig) top instagl flop. Nus savain tuts e tuttas che l'egl legia er (cun). Sche jau fiss l'expert ed avess da nominar (sun jau betg ed hai jau betg per cletg) dess jau a l'inserat «Ausländer? Volksbefragung!» da l'ultra il premi «meglier inserat da l'onn!». In award il dretg mument al dretg lieu al dretg meritaivel stimulescha subit per daplì.

Ils vegn sez chaud, jau manegel en luna, da far «Volksbefragungen» da tut-



tas sorts a nossa glied. Quantas cellas ultristas fissas vus prunts da tolerar da Tavanasa ensivers? Quants inserats tudestgs, che na vulan betg s'integrar, essas vus dal «Staisidefenda» sco vusauters da la «Charalinguadalamama» prunts da tolerar, a la fin dals quintes era pajar, en stampads rumantschs. E quantas nauschas cellas (metastasis) rumantschgrischunas po i vertir, fin ch'ins cumenza finalmain cun l'irradiazion e la chemo – ins n'è gea betg sez medi, mo dumonda naiv.

Gugent dumandass ins noss pievel, ins sa era dir bain la basa: Quants uschenumnads resorts da vacanzas per ritguns èn nossas muntognas prontas da prender sin sai, senza bittar giu? Cun quantas explosiuns cun dinamit, per betg dir cun la bumba atomica, èn ins pront da laschar explotar vids noss bels culms e mussar ils diamants a las bursas da mineralias? Ils uschenumnads «diamants da sang», er dia-

mants da conflict, cun ils quals il model Naomi Campbell sa vesa confruntada avant dretgira, èn ussa tut insatge auter, egual tge.

Bun, ch'il pievel vegn dumandà via «Volksbefragung!» da l'ultra extrema, tge ch'el vul atgnamain, u er betg. Vul el l'investg actual vinavant, ussa pir da dretg!, ussa ch'ultrists da tschella extrema gia sbragian da sa retirar? In cas ch'igl ha schon dà ina giada en il precismedem investgieu. Sto adina il precismedem crair vidlonder? Quai sumeglia gea dad avoir sistem. Quantas scolas innovativas u fissgugent èn gist siglidas sin il glacier-express da gea esser innovativ per express, sch'el sigliss en la proxima curva ord las rodaglias ch'i dess morts?

Quants events culturals daplì a medem temp en grischunvacanzas vul il pievel in auter onn? Nus pudessan porscher daplirs ed ulteriurs, avessan segir era noss public fidà sin segir. Quants parcs natirals, cun dretga pretaisa da vegnir prendids si cun corp ed olma tar il patrimoni natural mundial, han anc plaz en nossas muntognas? Attenziun, betg far mal als pastgins ed insects! Bain, bain, sin urs sco lufs das-tgais bittar crappa ruassai-vel fin ch'els moran. Per tut na drovi uss betg ina «Ausländer? Volksbefragung!» da l'ultra.